


# ENGIRA EBIRI



## OHWANGALA ENGIRA ETUUFU

Hiisi olu huba ni hutiina eyi hutoolangaho hutera bugali ohubuusa abamanyireyo batulagirire engira ejaayo. Era ni huba ko ni hutiina hwegenderesa bugali hutagota hwabita hu ngira eyi baba ni batulagiriye. Hiisi obuhya, ese ni neewe hugenda olugendo ni hutiina mu hifo omu huliba emirembe n'emirembe. Eyi hutiina eyo, embera eyi hiisi muutu alyeyagaanamo ni goolireyo siyicuhaho kadi n'angatotono. **Mwana weefe omanyireyo nena eyi oja?**

Hiwumbe mu hisasabirisi hihye ehingi gatunja Ebbayibbuli esobole ohutulaga nena eyi hiisi muutu aba n'alungeeme. Ehihulu yitulaga engira eteerefu eyi twosa mwigulu. Yituloma yiiti, “Ehibono hihyo hiri nj'etaala nj'ehimulihira engira eyingenderamo mu bulamu womu hyalo hino.” (Zabbuli 119:105).

## OGUGIRA OGUGALAMU

Lulala Yesu galoma abaatu abaali ni bamutegeeye ohutwi ati, “Mwingirire mu mulyango omudiini. Olwohuba engira n'omulyango ebija mu husihiriha bigalamu era abaatu ababitamu kwiro n'ekwiro.” (Matayo 7:13,14).

Mu hifanaani ehiri huno, hubonamo ogugira ogugalamu ogunira abaatu mu husihiriha ni gwijuuyemo abaatu ekwiro n'ekwiro. Abahira obungi hubo balimbiriri sibabona. Bali hy'etaama ejironda hu mbusi ni jitamanyire eyi jija. Boosi sibamanyire baati batiina mu husihiriha. Ebbayibbuli yituloma

yiiti, “Hiwoyi Sitaani omuṅugi ehyalo hino abegaaye emoni sibafaania n’eyi baja.” (2 Bakolinso 4:4). Yimeedahoyi yiiti, “Engira eyi oṅeega ti tuufu ehunjira mu husihiiraha.” (Engero 14:12). Abaatu abali mu gugira guno, bagenda ni batasiira hutasiira olwohuba hiisi mulala hu bo getwihire omugugu gw’ehibi omwene omusito. Ebbayibbuli yituloma yiiti, “Hiisi muutu gabbenga era ṅaabula owolana n’ohuba mwiṅono lya Hiwumbe.” (Barumi 3:23). ṅabula hibi mu bulamu weefe ehi huṅanga ohugisa Hiwumbe olwohuba “abona n’ebiri mugati w’omwoyo.” (1 Samwiri 16:7). Ehibi hinahweraapa hu mugongo soosobola huhyetasulyaho ewe omwene ohutusaho hitiina ni huhula ni hyeyongera n’ohuhusitonjerera ohwola olu hihwosa aṅagosa aṅagosa-mbo, “omuhemba ogu basasula omuutu olw’ehibi hufa.” (Barumi 6:23).

Ohumyasa hw’efula ohuhubona mu hifaanani hulaga musango ogu Hiwumbe ali hubasalira. Ebbayibbuli eroma yiiti “bahitegeha baati omuutu afa lulala olufanyuma nga bamusalira omusango.” (Bebbulaniya 9:27). Era yiiti, “Ng’ango mbona abafu abahulu n’abanjere ni bemereeye mu moni j’etebe y’omusali w’emisango. Nga baleeta ebitabo babiwihula. Ng’ebaayo n’ehitabo ehindi ehy’enjawulo ehi bawihula -nj’ehitabo ehy’abalumu. Hiisi mufu nga bamusalira omusango ni beema hu bibi ebi gaholanga. ...Hiisi muutu oyu siina lirye litaali mu hitabo hy’obulamu nga bamudaanya mu njanya eyaduha omuliro.” (Ohubihulirwa 20:11,12,15).

Ebbayibbuli yitulomera buhomya yiiti eriyo ehifo ehi balanga Geyeena omu balidaanya abahosi b’ebibi bosibosi. Ng’olu Hiwumbe atalya nguzi, hiisi muutu alimusasula olw’ehibi hihye. Mbo, “Ekomerero yaawe eriba yahubadaanya mu geyeena olwohuba ...baaṅeega hu biitu hy’ehyalo hino byoṅene.” (Bafiripi 3:19). Ebbayibbuli yituloma yiiti, “Hiwumbe sigahendire husihirisa omuutu kadi mulala ohutusaho genda hiisi muutu gebbwage aleheṅo ebibi ebi ahola.” (2 Petero 3:9). Olw’ehyo mu hisasabirisi hihye ehingi Hiwumbe gatutegeheeye engira ey’obuṅonere hutashiriha. **Wahendire ohumanya engira eyo?**

## **ENGIRA EY’OBUNOṅOSI**

Ng’olu huweene omuutu saṅanga hwenonjola omwene ohuṅwa mu bibi bibye oba omwene ohwetusaho omusango. Aye amaṅuliro amalanyi gali ti Hiwumbe omwene gatuyeeda gaatuṅa omunonjosi: “Hiwumbe ni gendire bugali ehyalo gaṅayo Omusani wuwe omulala w’ogobbo hiisi muutu amufugirira atasihiraha aye abe n’obulamu obutaṅwano.” (Yowaane 3:16). Hiwumbe Seefe owomwigulu gatuma Yesu Kurisito Omusaani wuwe omulala w’ogobbo, gaaje hu hyalo, amenyeho hy’omuutu. Coka ye sigabbengaho kadi lulala ng’olu efe abaatu hubbenga. Yesu ono gaṅonianga abalwaye n’abaalingaho ebigenge, gabbinganga emisambwa hu baatu, gasoniṅanga ebibi by’abo abebbwaganga era n’asomesa abaatu ehibono hya Hiwumbe. Coka esonga ekulu eyamuleeta hu hyalo yaali ya hufa hu lwefe. Ohufa huhwe yali ṅongo eri Hiwumbe amafugi gage ag’omuṅendo gatwoṅeho ebibi byefe husuneho n’ehimesu hy’obulamu buwe obubulaho bbengo. Geṅaayo mu ngalo j’abaatu ababi bamufaduula efaalu ejamuwoohola amabbwa mu mugongo, bamwambasa omuge ogu baluha mu maṅwa amanani era bamubamba hu musalabba ni bamuhomerera emisumaali mu byaba nomu magulu. Hu musalabba ohwo, “Kurisito getwiha ebibi byefe hwesihwesi...” (1 Petero 2:24). Gafa mu ngeri eyo hu lulwo ni neese. Wayire abaatu abo ababi beeta Yesu, ni ṅabitano endalo edatu galamuha gaba n’abalobera babe ohuhena endalo amahumi ane nga ko gaga-

mayo mwigulu eyi hatyane gehaaye hu luuyi olw'omuhono gwa Hiwumbe omulungi, (Barumi 8:34) mu ḡono ery'amaani. Olw'ehyo nje yeḡene ali n'obuḡangi ejo ni nalula obw'ohunonḡola hiisi muutu atiina eri Hiwumbe n'abita eyi ali olwohuba Ye mulamu era getegehire hiisi obuhya ohutuḡ-oserehesa eri Hiwumbe. (Bebbulaniya 7:25).

## EGULU

Egulu nj'ehifo ehyabule omu Hiwumbe gehaaye mu ḡono lirye. Yesu galoma ati, "Ndi hutiiina ohubategehera ehifo. Ni ndihena ndiberuhira mbanjire mwesi mube eyo ni neese." (Yowaane 14:2,3). Ehifo ehyo ehy'eḡono, peyi "alisaabusa hu hiisi muutu amasiga, ebulayo hufa, obulumi wayire ohulira. Ebihale ebyaliḡo biriba biḡooyeḡo." Eyo "ebulaayo hireema era siwiira olwohuba Hiwumbe Musengwa omwene nj'aḡa abaayo enjase." (Ohubihulirwa 21:4; 22:5).

Mu hifo ehyo sibafugiiramo hiitu ehitali higwalaafu. "ḡabula hiitu ehitali higwalaafu ehiringira mu hibuga, era omuutu oyu siina lirye libula mu hitabo hy'obulamu saalingira mu hibuga." (Ohubihulirwa 21:27). Ehyahabi atenga hiraḡi, engira eḡira omuutu mwigulu yiri ndala. Engira eyo nje Yesu. Omwene atuloma ati, "**Niise engira**, amazima n'obulamu; **ḡabula atiina eri Bbaabba ohutusaho n'abiitira mu se**" (Yowaane 14:6). Mu Yesu oyo po muli obuḡonere – "**Obunonḡosi hubwagaana mu niye yeḡene**; mu hyalo mwosimwosi mubulamo **muutu bundi** oyu Hiwumbe gatuḡaaye atunonḡole." (Bikolwa 4:12).

## OGENDA OTYE KO WOOLA MWIGULU?

- 1. Weherera hwebbwaga** – "Mwebbwage mucuuse emyoyo, mufugirire Amaḡuliro Amalaḡi agaḡamba hu Buḡugi wa Hiwumbe." (Mariko 1:15).
- 2. N'ohena nga wesenda aḡali Yesu** ng'olu oli n'omugugu gugwo ogw'ebibi n'obita mu husaba. Mulombe ahusonige olwohuba atuloma ati, "Sindibbinga muutu yesiyesi owuḡa eyi ndi." (Yowaane 6:37). Era alanga hiisi muutu ati, "Muuje mwesimwesi eyi ndi mbatwihule enywe omudembire ohubbeeda omugugu gw'ehibi omusito. (Matayo 11:28).
- 3. Ohwo loosaho ohumwesiga olwohuba nj'eyeḡe aḡanga ohuhunonḡola.** "Amafugi ga Yesu Omwana wa Hiwumbe nje goḡene agatwoga hwaḡwaho hiisi hibi." (1 Yowaane 1:7).
- 4. Onesiga Yesu, yesi ahuḡa obulamu obunyaaha obutaliḡwano.** Yesu aloma ati, "Hiisi muutu aḡulira ebibono ebi muloma gahena geesiga owaatama ohuḡa hu hyalo **asuna obulamu obutanḡwano**. Sibamusalira musango humuhira aye aba ahenire **ohwambuha ohuḡwa mu bafu ni gengiye mu bulamu**." (Yowaane 5:24). Era "Omuutu yesiyesi n'aba mu Kurisito aba afuuhire hiitu hinyaaha ebihale ebyamuliho ni biḡooyeḡo n'afuuhire munyaaha." (2 Bakolinso 5:17).
- 5. Wangewe ebyo ni biḡwa nga wisuuha ohena osuna n'edembe.** "ḡahani ng'olu Yesu gahena ohutufangania ni Hiwumbe olw'ohumufugiirira ohuba omunonḡosi weefe, huli bulala ni Hiwumbe mu Mwana wuwe Yesu Kurisito." (Barumi 5:1). "Hiwumbe atuhahasa ati gatuḡa obulamu obutanḡwano n'abubisya mu Mwana wuwe. Olw'ehyo hiisi muutu ali n'omwana wa Hiwumbe mu bulamu buwe **ali n'obulamu obutanḡwano** aye oyo amubula **abula bulamu obutanḡwano**. Mbanḡandihiiye bino **muhimanye muuti** enywe omufugiirira Omwana wa Hiwumbe mwahena ohusuna obulamu obutanḡwano." (1 Yowaane 5:11-13).

## **EBY'OHUHOLA N'OHENIRE OHWAMBALA OBULAMU OBUNYAHA**

Yesu anahena ohuhunogola gahwambasa obulamu obunyaaha bino mbebi oli n'ohuhola :

- 1. Soma Ebbayibbuli** hiisi ludaalo. Ebbayibbuli nj'eyituna enjase ko hwagenda bulani ng'abakirisitaayo, era nj'ebiryo ebiriisa emyoyo jeefe. "Habuyabuhya mubenga hy'abaana abahyoka olu baba njala y'ohwoka. Mwesi mubenga n'enjala oy'ohusoma ehibono hihye hibahuse..." (1 Petero 2:2). Sunganga Hiwumbe mu Mwoyo Omwabule ahuyeede ohutegeera ebi osoma.
- 2. Hiisi ludaalo weyabulenga wasaba** n'obisya esaala jijo mu Yesu. Ebbayibbuli yituloma yiiti, "Muteralihiriranga mu hiitu hyosihyosi, aye mu saala jeenywe musungenga Hiwumbe byosibyosi ebi munemba ni muli n'omwoyo ogusiima. Era emiyaaya ejirwa ewa Hiwumbe eji mu buutu hutanganga hutegeera jinahuumenga emyoyo jeenywe n'obulamu wenywe ni buli mu Yesu Kurisito" (Bafiripi 4:6,7).
- 3. Lomeraho abaatu abandi ebi omanyire hu Kurisito.** "Yagamayo ewenywe eri abaatu babo, obalomere byosibyosi ebi Hiwumbe Musengwa ahuholeeye, era ng'olu ahurambiiye ehisasabirisi." (Mariko 5:19).
- 4. Yeyanire Yesu Musengwa ahuyeede hiisi olu onahemewenga.** "Ye nj'anganga ohuyeeda abahemewa olwohuba yeesi gahemewa era yeesi gabita mu bidambyo" (Bebulaniya 2:18).
- 5. Singa nindi obaaye obbengire, yebbwage mangu eri Hiwumbe.** "Aye singa hubbutulira Hiwumbe ebibi byefe, Ye mu wesigwa buwe gaaja hutusoniha ebibi era atwogeho obubi bwosibwosi (1 Yowaane 1:9).
- 6. Gesyaho ohuhola omuhumba n'abafugiirira Musengwa Yesu Kurisito.** "Hino nj'ehiragiro ehi mbalehera : mwendanenga ng'olu ese mbenda" (Yowaane 15:12).
- 7. Gondera ebi Hiwumbe ahuloma.** "Hiisi muutu owunyenda angamba ebi musomesa" (Yowaane 14:23).
- 8. Ba mugumu olwohuba Yesu atusuubisa ati,** "Sindihuleha husigala wegene era sindihwabulira" (Bebulaniya 13:5).
- 9. Yeneyo obulamu buwo bwosibwosi eri Musengwa Yesu Kurisito.** Leha Yesu abe nj'anguga obulamu buwo ng'olu omwene asiima. Hino hiija huhuna obulamu obwijuuye esangaalo n'emiyaaya.

---

Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

For **free** Gospel literature, books and tracts in over 540 languages, write to:

EMAIL: [info@angp.co.za](mailto:info@angp.co.za)

**ALL NATIONS GOSPEL PUBLISHERS**  
**P.O. Box 2191, PRETORIA, 0001, R.S.A.**

(A Gospel Literature Mission financed by donations)

(Reg. No. 1961/001798/08)